



Za: VLADU CRNE GORE

- Komisija za politički sistem, unutrašnju i vanjsku politiku

Zahtjev za popunu radnog mjesta koje nije predviđeno Kadrovskim planom Ministarstva vanjskih poslova za 2024. godinu

Vlada Crne Gore je na sjednici održanoj dana 26. septembra 2024. godine, razmotrila nacrt Kadrovskog plana Ministarstva vanjskih poslova za 2024. godinu i Zaključkom broj: 10-100/24-5333/2 od 03. oktobra 2024. godine donijela Kadrovski plan Ministarstva vanjskih poslova za 2024. godinu.

U skladu sa članom 38 stav 2 Zakona o državnim službenicima i namještenicima, kojim je propisano da izuzetno, starješina državnog organa može donijeti odluku o pokretanju postupka za popunu radnog mjesta čija popuna nije predviđena kadrovskim planom iz člana 148 ovog zakona, ako je to radno mjesto u toku tekuće kalendarske godine ostalo upražnjeno prestankom radnog odnosa državnog službenika, odnosno namještenika u državnom organu ili ako zbog organizacionih izmjena i/ili neophodnosti popune radnog mjesta pribavi saglasnost Vlade, molimo za davanje saglasnosti za donošenje odluke o pokretanju postupka za popunu radnog mjesta podsekretar za finansijska pitanja u Sekretarijatu Ministarstva vanjskih poslova, zbog neophodnosti popune ovog radnog mjesta.

Naime, Ministarstvo vanjskih poslova je dobilo potvrdu od Ministarstva finansija broj: 02-400/24-8137/2 od 04. decembra 2024. godine, da su raspoloživa sredstva potrebna za popunjavanje navedenog radnog mjesta, koju, između ostalog, dostavljamo u prilogu.

Dalje, Sekretarijat Ministarstva vanjskih poslova nadležan je, između ostalog, za normative poslove, poslove upravljanja ljudskim resursima, finansijske i računovodstvene poslove, poslove javnih nabavki, poslove izgradnje, održavanja i zaštite informacionih i komunikacionih sistema, kao i poslove bezbjednosne i fizičko tehničke zaštite. Uzimajući u obzir činjenicu da je radno mjesto podsekretar za finansijska pitanja, čija je nadležnost da rukovodi i organizuje rad u Službi za poslove finansija, računovodstva i javnih nabavki, da vrši kontrolu obavljenih poslova i odgovora za blagovremeno i pravilno i zakonito izvršavanje poslova, kao i da obavlja i druge poslove po nalogu generalnog sekretara, upražnjeno, a neophodna je njegova popuna radi odgovornog i efikasnog obavljanja finansijskih poslova unutar Sekretarijata Ministarstva vanjskih poslova, smatramo neophodnim popunjavanje ovog radnog mjesta.

Konačno, polazeći od značaja predmetnog radnog mjesta još jednom molimo da Vlada Crne Gore da saglasnost za popunu radnog mjesta podsekretar za finansijska pitanja u Sekretarijatu Ministarstva vanjskih poslova.